

TILSKIPUN EVRÓPUÞINGSINS OG RÁÐSINS (ESB) 2015/254

2015/EES/63/54

frá 11. febrúar 2015

um niðurfellingu á tilskipun ráðsins 93/5/EBE um aðstoð við framkvæmdastjórnina og samstarf af hálfu aðildarríkjanna um vísindalegar athuganir á sviði matvæla (*)

EVROPUÞINGIÐ OG RÁÐ EVRÓPUSAMBANDSINS HAFAR,

með hliðsjón af sáttmálanum um starfshætti Evrópusambandsins, einkum 114. gr.,

með hliðsjón af tillögu framkvæmdastjórnar Evrópusambandsins,

eftir að hafa lagt drög að lagagerð fyrir þjóðþingin,

með hliðsjón af álitum efnahags- og félagsmálanefndar Evrópusambandsins ⁽¹⁾,

í samræmi við almenna lagasetningarmeðferð ⁽²⁾,

og að teknu tilliti til eftirfarandi:

- 1) Framkvæmdastjórnin hefur skuldbundið sig, innan ramma reglubundnu hreysti- og frammistöðuáætlunarinnar (e. *Regulatory Fitness and Performance Programme, REFIT*), til að koma á einföldum, skýrum, stöðugum og fyrirsjáanlegum regluramma fyrir fyrirtæki, starfsmenn og borgara.
- 2) Með tilskipun ráðsins 93/5/EBE ⁽³⁾ er stefnt að því að tryggja snurðulausa starfsemi vísindanefndarinnar um matvæli með því að stuðla að vísindalegum stuðningi aðildarríkjanna við nefndina og með því að skipuleggja samstarf við viðkomandi landsbundna aðila um vísindaleg málefni varðandi öryggi matvæla.
- 3) Samkvæmt reglugerð Evrópuþingsins og ráðsins (EB) nr. 178/2002 ⁽⁴⁾ voru verkefni vísindanefndarinnar um matvæli, sem um getur í tilskipun 93/5/EBE, flutt til Matvælaöryggisstofnunar Evrópu og sem stendur er kveðið á um þessi verkefni með reglugerð (EB) nr. 178/2002.
- 4) Ákvörðun framkvæmdastjórnarinnar 97/579/EB ⁽⁵⁾, þar sem vísindanefndinni um matvæli var komið á fót, var felld úr gildi með ákvörðun framkvæmdastjórnarinnar 2004/210/EB ⁽⁶⁾.

(*) Þessi ESB-gerð birtist í Stjtið. ESB L 43, 18.2.2015, bls. 1. Hennar var getið í ákvörðun sameiginlegu EES-nefndarinnar nr. 208/2015 frá 25. september 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB C 451, 16.12.2014, bls. 157.

(2) Afstaða Evrópuþingsins frá 16. desember 2014 (hefur enn ekki verið birt í Stjórnartíðindunum) og ákvörðun ráðsins frá 27. janúar 2015.

(3) Tilskipun ráðsins 93/5/EBE frá 25. febrúar 1993 um aðstoð við framkvæmdastjórnina og samstarf af hálfu aðildarríkjanna um vísindalegar athuganir á sviði matvæla (Stjtið. EB L 52, 4.3.1993, bls. 18).

(4) Reglugerð Evrópuþingsins og ráðsins (EB) nr. 178/2002 frá 28. janúar 2002 um almennar meginreglur og kröfur samkvæmt lögum um matvæli, um stofnun Matvælaöryggisstofnunar Evrópu og um málsmeðferð vegna öryggis matvæla (Stjtið. EB L 31, 1.2.2002, bls. 1).

(5) Ákvörðun framkvæmdastjórnarinnar 97/579/EB frá 23. júlí 1997 um að skipa vísindanefndir á sviði heilbrigðis neytenda og matvælaöryggis (Stjtið. ESB L 237, 28.8.1997, bls. 18).

(6) Ákvörðun framkvæmdastjórnarinnar 2004/210/EB frá 3. mars 2004 um að skipa vísindanefndir á sviði neytendaöryggis, lýðheilsu og umhverfis (Stjtið. ESB L 66, 4.3.2004, bls. 45).

- 5) Samkvæmt reglugerð (EB) nr. 178/2002 er Matvælaöryggisstofnun Evrópu einnig orðin þar til bær stofnun til að stuðla að vísindalegu samstarfi við aðildarríkin og viðeigandi landsbundnar stofnanir, sem starfa á sviðum sem falla undir markmið Matvælaöryggisstofnunar Evrópu. Einkum er í 22. gr. reglugerðar (EB) nr. 178/2002 kveðið á um að Matvælaöryggisstofnun Evrópu skuli starfa náið með þar til bærum aðilum í aðildarríkjunum og að aðildarríkin skuli starfa með Matvælaöryggisstofnuninni til að tryggja að markmið hennar náist.
- 6) Því er tilskipun 93/5/EBE orðin úrelt og ætti að fella hana úr gildi.

SAMÞYKKT TILSKIPUN ÞESSA:

1. gr.

Tilskipun 93/5/EBE er felld úr gildi.

2. gr.

1. Aðildarríkin skulu samþykkja nauðsynleg lög og stjórnslufyrirmæli til að fara að tilskipun þessari eigi síðar en 29. febrúar 2016. Þau skulu tilkynna það framkvæmdastjórninni þegar í stað.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær eru birtar opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

3. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

4. gr.

Tilskipun þessari er beint til aðildarríkjanna.

Gjört í Strassborg 11. febrúar 2015.

Fyrir hönd Evrópuþingsins,

M. SCHULZ

forseti.

Fyrir hönd ráðsins,

Z. KALNIŅA-LUKAŠEVICA

forseti.